

醫統正脈全書

四三



素問病機氣宜保命集卷下

江陰朱氏校刊本

金 河間劉完素著

欬嗽論第二十一

論曰欬謂無痰而有聲肺氣傷而不清也嗽是無聲而有痰脾溼動而爲痰也欬嗽謂有痰而有聲蓋因傷於肺氣動於脾溼欬而爲嗽也脾溼者秋傷於溼積於脾也故內經曰秋傷於溼冬必欬嗽大抵素秋之氣宜清今反動之氣必上衝而爲欬甚則動於脾溼發而爲痰焉是知脾無留溼雖傷肺氣而不爲痰也有痰寒少而



熱多故欬嗽者非專主於肺而爲病以肺主皮毛而司於外故風寒先能傷之也內經曰五臟六腑皆能令人欬非獨肺也各以其時主之而受病焉非其時各傳而與之也所病不等寒暑燥溼風火六氣皆令人欬唯溼病痰飲入胃留之而不行止入於肺則爲欬嗽假令溼在於心經謂之熱痰溼在脾經謂之風痰溼在肺經謂之氣痰溼在腎經謂之寒痰所治不同宜隨證而治之若欬而無痰者以辛甘潤其肺故欬嗽者治痰爲先治痰者下氣爲上是以南星半夏勝其痰而欬嗽自愈枳



殼陳皮利其氣而痰自下痰而能食者大承氣湯微下之少利爲度痰而不能食者厚樸湯治之夏月嗽而發熱者謂之熱痰嗽小柴胡四兩加石膏一兩知母半兩用之冬月嗽而發寒熱謂之寒嗽小青龍加杏仁服之然此爲大例更當隨證隨時加減之量其虛實此治法之大體也

蜜煎生薑湯

蜜煎橘皮湯

燒生薑糊桃

此者皆治無痰而嗽者當以辛甘潤其肺故也如但使青陳皮藥皆當去白本草云陳皮味辛理上氣去

痰氣滯塞青皮味苦理下氣二味俱用散三焦之氣也故聖濟云陳皮去痰穰不除即生痰麻黃發汗節不去而止汗

治風痰熱咳嗽其脈弦面青四肢滿悶便溺秘澁心多

燥怒水煮金花丸

南星

半夏各一兩天麻五錢

雄黃二錢

白麴三兩

寒水石一兩燒存性

仁為細末滴水為丸每服五七十九至百丸煎漿水沸下藥煮令沸淨為度漉出淡漿水浸另用生薑湯



下或通聖加半夏及局方中川芎丸防風丸皆可用也

小黃丸 治熱痰欬嗽脈洪面赤煩熱心痛唇口乾燥多喜笑宜小黃丸

南星

湯洗

半夏

洗各一兩

黃芩

一兩半

右爲細末生薑汁浸蒸餅爲丸如桐子大每服五十丸至七十丸食後薑湯下及小柴胡湯加半夏亦可
白朮丸 治痰濕欬嗽脈緩面黃肢體沉重嗜臥不收腹脹而食不消化

南星

半夏

俱湯洗各一兩

白朮

一兩半

右爲細末薄糊爲丸桐子大每服五七十丸生薑湯下及局方中防已丸亦可用

玉粉丸

治氣痰欬嗽脈澁面白上喘氣促洒淅惡寒

愁悶不樂宜服之

南星

半夏

俱洗各一兩

官桂

去皮一兩

右爲細末薄糊爲丸如桐子大每服五七十丸生薑湯下食後及局方中防已丸亦可玉粉丸加減在後心下否者加枳實伍錢身熱甚者加黃連五錢體重



者加茯苓一兩氣上逆者加苦亭蕒五錢氣促者加人參桔梗各五錢浮腫者加郁李仁杏仁各五錢大便秘者加大黃五錢

雙玉散 治痰熱而喘痰湧如泉

寒水石

石膏 各等分

右爲細末煎人參湯調下三錢食後服

治痰干縉湯

半夏

生末一兩

大皂角

去皮子半兩剉

右同於絹袋中盛之用水三升生薑七大片同煎至

一半以手操洗之取清汁分作三服食後併服二服

効

防風丸 治痰嗽胃中氣不清利者枳朮丸亦妙

防風

半兩

枳殼

半兩去穰麩炒

白朮

一兩

右細末燒餅爲丸每服五七十九丸生薑湯下

天麻丸

天麻

一兩

半夏

南星

各一兩

雄黃

少許

右以白麴二兩滴水爲丸如桐子大每服五十九至百丸煎淡水令沸下藥煮十餘沸漉出食前生薑湯



下

利膈丸 主胃中不利痰嗽喘促利脾胃壅滯調秘瀉
藏推陳致新消進飲食治利膈氣之勝藥也

木香 半一錢

檳榔 半一錢

人參 錢三

當歸 錢二

藿香 半一錢

大黃 酒浸焙一兩

厚樸 薑製三兩

枳實 炒一兩

甘草 三錢

右爲細末滴水和丸如桐子大每服三五十九食後

諸飲皆下

欬氣丸 治久嗽痰喘肺氣浮腫

青皮

去白

陳皮

去白

檳榔

木香

杏仁

去尖皮

郁李仁

去皮

茯苓

澤瀉

當歸

馬兜零

苦亭藤

茂

炮各三兩

人參

防己

各五錢

牽牛

取細末一兩

右爲細末生薑汁麪糊爲丸如梧子大每服一二十丸加至五七十九生薑湯下食後服

玉粉丸

治痰結咽喉不利語音不出

半夏

洗五錢

草烏

一字炒

桂

一字多

右同爲末生薑汁浸蒸餅爲丸如雞頭大每服一九



至夜含化多歲不愈者亦効

枳殼湯 治久痰胃膈不利者多上焦發熱

枳殼

麩炒去穰三兩

桔梗

三兩

黃芩

半兩

右同剉每日早用二兩半水三盞煎至二盞勻作三服午時一服申時一服臨臥時一服二日七兩半藥盡服生半夏湯

生半夏湯

半夏

不以多少洗七遍切作片子

右每服秤三錢水一盞半入生薑五大片同煎至一

蓋和滓食後服一日三服服三日畢再服枳朮丸
盡其痰爲度先消胸中氣後去膈上痰再服枳朮丸
謂首尾合盡消其氣今痰不復作也

清鎮丸 治熱嗽

小柴胡湯內加人參一椀

青黛半兩

右爲細末麴糊丸如桐子大每服五十丸生薑湯下

半夏方寸匕 因傷風而痰作喘逆兀兀欲吐惡心欲倒

吐加檳榔三錢

半夏洗切 雄黃研三錢

右同爲末生薑汁浸蒸餅爲丸桐子大每服三十九
生薑湯下小兒丸如黍米大

白朮散 治夏暑大熱或醉飲冷痰溼不止膈不利

白朮

茯苓

半夏

洗

黃芩

各等分

右爲麤末每服五錢至七錢水二盞入生薑十片煎
至一盞去滓調陳皮末一錢神麴末一錢食後服

法曰大熱大飲蓋酒味熱而引飲冷冷與熱凝於胸中
不散而成溼故痰作矣甚者宜吐之吐後服五苓甘露
勝溼去痰之劑

白朮湯 治痰潮上如湧泉久不可治者

白朮

白茯苓

半夏等分

右爲末每服半兩病大者一兩水二盞生薑七片煎至一盞取清調神麴末二錢頓服之病甚者下玉壺丸一百丸大效永除根

天門冬丸 治婦人喘手足煩熱骨蒸寢汗口乾引飲面目浮腫

天門冬

十兩去心

麥門冬

八兩去心

生地黃

三斤取汁爲膏子

右二味爲末膏子和丸如梧子大每服五十丸煎迫

遙散送逍遙散中去甘草加人參或服王氏博濟方
中人參荊芥散亦可如面腫不已經曰面腫曰風故
宜汗麻黃桂枝可發其汗後服柴胡飲子去大黃故
論曰治藏者治其俞治府者治其合浮腫者治其經
一治俞者治其土也治合者亦治其土也如兵家圍魏
救趙之法也

虛損論第二十二

論曰虛損之疾寒熱因虛而感也感寒則損陽陽虛則
陰盛損自上而下治之宜以辛甘淡過於胃則不可治



也感熱則損陰陰虛則陽盛故損自下而上治之宜以
苦酸鹹過於脾則不可治也自上而損者一損損於
皮聚而毛落二損損於心血脈虛少不能榮於藏府婦
人月水不通三損損於胃飲食不爲肌膚自下而損者
一損於腎骨痿不能起於床二損損於肝筋緩不能自
收持三損損於脾飲食不能消尅論曰心肺損而色蔽
腎肝損而形痿穀不能化而脾損感此病者皆損之病
也漸漬之深皆虛勞之疾也

四君子湯

治肺損而皮聚毛落益氣可也

